



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 33. Conspiratio contra Venetos feliciter detecta.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

lopost Osmanes ad Ludovicum XIII. Sæc. XVII.
 in Gallias Oratorem decrevit, ut ob A. C. 1618.
 Franciæ Legatum Constantinopoli a
 Mustapha male acceptum Regi satis-
 faceret.

§. XXXIII.

*Conspiratio contra Venetos feliciter
 detecta.*

Pacis inter Ferdinandum & Venetos
 instauratæ primordia Reipublicæ
 oppido funesta accidissent, nisi inten-
 tatam perniciem Dei Providentia in
 ipsos mali machinatores detorsisset;
 quippe Jacobus Piereus natione Gallus,
 patria Normanus, celeberrimus Pira-
 ta, homo ad quævis audenda procli-
 vis, & ad omne periculum intrepidus
 flagrante Austriacos inter & Venetos
 bello Venetias venit, injuriam, qua se
 ab Ossuna Pro-Rege Neapolitano affe-
 ctum fingebat, ulturus: Hic obtentus
 Venetis adeo spectabilis videbatur, ut
 hunc hominem ad sua signa reciperent,
 spe concepta, quod hic Pirata utilem
 adversus Austriacos atque Hispanos o-
 peram Reipublicæ præstare posset, præ-
 cipue cum præter plures naves insuper
 Longladam insignem pyrobolarium plu-
 resque magnanimos juvenes secum
 conducirer. Monebat Simeon Conta-

Jæger. Hist.

Eccl. l. 8.

cap. 8.

Ferrer. cont.

Hist. Hisp.

tom. I. c. 2.

§. 135.

Ziliolo p. 2.

l. I.

Nanni Hist.

Venet. l. 3.

pag. 186.

Brachel.

Hist. l. I.

Sæc. XVII. rinus tum Romæ Legatus Rempubli-
A.C. 1618. cam, ut caute ageret, eoquod rumor
 esset, quod Ossuna Dux, Petrus Tole-
 tanus & Bedmarus Marchio per ejus-
 modi homines insidias Venetis struere
 machinarentur. Hujus suspicionis fa-
 ma ad ipsas etiam Ossunæ aures per-
 venit, qui inde graviter offensus, clam
 Pieri uxorem in carcerem conjecit,
 maritum vero a suis obsequiis olim pro-
 fugum amplis promissis ad reditum sol-
 licitavit, hancque in rem ad eum lite-
 ras dedit, quas cum Piereus Senatui
 exhiberet, Ducemque destructis ab eo
 insidiis falso accusaret, tantam sibi a-
 pud Venetos conciliabat fidem, ut in
 armamentarium unacum Longlada ad
 exercendam artem pyrobolicam, susci-
 peretur. Obeunte autem Nicolao Do-
 nato Duce Veneto statim plusquam se-
 xaginta militares Tribuni in secretas
 contra Senatum indignationes & cri-
 minationes erumpebant, vel ob soluta
 sibi maligne stipendia, vel quod missio-
 nem denique parum pro meritis
 honestatam aut donatam acceperint.
 Hi ergo suæ indignationi plus æ-
 quo indulgentes, in Reipublicæ per-
 niciem conspirarunt, atque in perversi
 sui consilii societatem adlecto Pie-
 reo, ceterisque ejus sociis, Senatum
 trucidare, Curiam & urbem injectis
 flammis

flammis delere condixerunt: Commu-
 nicabant hi parricidæ tanti sceleris con-
 filia aliis insuper septingentis per urbem
 sparsis: extra ditionem quoque circiter
 mille partim Gallos partim Burgundio-
 nes, & variarum Nationum homines
 in audaciam exercitatos disperferant,
 eo fine, ut dato signo sociis suam jun-
 gerent operam: accersebatur quoque
 quidam Anglus nomine Haillotus, qui
 navigio variis ad fuscitanda & propa-
 ganda incendia idoneis instrumentis,
 onerato appelleret: Istriam versus ma-
 jores naves belli tormentis, & securi-
 bus, quibus pontes & transitus inter-
 scinderentur, flammamque restincturis
 aditus eriperetur, instructas tenebant:
 in urbe vero Langladus armamenta-
 rium nitrati pulveris vi unacum forni-
 cibus quinquaginta arcuatis in aerem
 protruderet, alii officinam monetariam,
 potioraque urbis loca occuparent, au-
 daciores autem Curiam & principalium
 Senatorum ædes invaderent, ut occi-
 sis Primoribus reliqui eo facilius in or-
 dinem redigi possent. Jam Mensis Ma-
 jus exequendo huic consilio præstitutus
 advenerat, quin in tam ingenti conju-
 ratorum numero, quod satis rarum
 est, ullus arcanum proderet, jamque
 noctu ex condicito appropinquabant na-
 vigia, quæ tamen exorta subito tem-

Sæc. XVII.
 A. C. 1618.

Merc. Gal-
lob. tom. 12.
l. 2. § 3.

Sæc. XVII. pestate partim contrafacta, partim dis-
A. C. 1618. jecta fuere: Tandem vero Gabriel Mont-
 callinus patria Normanus, & Baltha-
 far Juven ex Delphinatu oriundus, pro-
 ditionis conscii, ob dispar tamen cri-
 men carceri addicuntur, ex quibus u-
 nus, ut promeritas effugeret pœnas,
 conspiratione patefacta, calamitatis in-
 de imminentis effugiendæ viam ape-
 ruit. unde continuo proximis quibus-
 que, quos ille manifestaverat, arreptis,
 scelusque falsis ceteri, quotquot in ma-
 nus venerant, laqueo e collo, partim
 a pedibus suspensi pœnas dederunt;
 Nobiles etiam aliqui Veneti proditio-
 nis participes nocturno tempore, ne de-
 decori familiæ essent, undis submersi
 perierunt, pari supplicio die decima
 Octobris ducentis extra portum affectis
 reliqui debitas pœnas diffugiis eluserunt;
 quidam tamen Præfectus natione Gal-
 lus, nomine Sadoperus ad triremis ma-
 lum a pedibus suspensus periit, Pie-
 reus denique & Langladus in mare præ-
 cipites acti, suffocati fuere. Ceterum
 Bedmarus Hispaniæ Legatus, eoquod
 conjurationis Auctor a nonnullis habe-
 retur, in summo versabatur discrimine,
 ne a furente populo vivus discerpere-
 tur. Ossuna vero Prorex Neapolitanus
 multis contendebat, nullam partem
 in ea conspiratione se habuisse: id igitur

tur omne, ne Hispaniam vicinam irri- Sæc. XVII.
 taret, provide diffimulabat Senatus, A. C. 1618.
 qui unacum Reipublicæ Duce Antonio
 Priulo Donati Successore die vigesima
 ejusdem Mensis ad Templum Divi
 Marci processit, pro detecta conjura-
 tione solemnes Deo acturus grates. Pau-
 lopost morbus Venetiis admodum per-
 niciosus invaluit, quo non pauci quo-
 tidie correpti perierunt: eodem quo-
 que morbo & peste simul Constantino-
 poli singulis diebus circiter mille quin-
 genti absumpti sunt, excitatoque in-
 genti incendio plusquam quadringentæ
 ædes conflagrarunt, Janitsaris interim
 Christianorum & Judæorum tabernas
 pro more suo diripientibus.

§. XXXIV.

*Grisonum tumultus in Rhætia contra
Catholicos.*

Sub idem ferme tempus Rhæti seu Gri- Ferrer. l. c.
 fones secta Zwingliani in Rhætia Merc. Gal-
 Catholicos dire vexabant. Vetus enim lob. tom. 12.
 erat dissensio in Valle Telina Rhætos lib. 3.
 inter & Valtelinos tam ob controver- Gramond.
 sum Domini jus, quam propter Reli- Hist. Franc.
 gionum diversitatem; hi enim Catho- l. 8. p. 387.
 lici, Rhæti vero secta Calviniani fue- Bucelin.
 rant. Gallis antiqua foedera erant Rhæt. Chro-
 cum Rhætis, Hispanis autem, & nunc nolog.
 Austria-